

Sulinermik Inuussutissarsiutillit Peqatigiiffiata (SIP-p) malittarisassai

Peqatigiiffiup aqqa najugaqarfialu

§ 1. Peqatigiiffiup aqqa tassaavoq Sulinermik Inuussutissarsiutillit Peqatigiiffiat (SIP) Ilulissani allaffeqarteq.

Siunertaq Suliassallu

§ 2. Peqatigiiffiup siunertaraa suliassaralugillu suliffeqarfinni sulisut sinniisaat suleqatigalugit

- Peqatigiiffiit (SIP-t) allat SIK-llu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqutissiinissaq.
- Sulisartut aamma ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartunik angusaqarumalluni.
- Isumaqatigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinni eqquutsinneqartarnissaat sulissutigissallugu.
- Ilaasortat suliffeqannginnerisa napparsimanerisalu nalaanni pisariaqartitaminnik ikiorneqartarnissaasa sulissutiginnissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilaasortat pisinnaatitaaffii pillugit siunnersortassallugit.
- Suliffinni isumaqatigiinnginnerni, soorlu inunnut aalajangersimasunut tunngatillugu suliassani ilaasortat akuuffigisaanni, ilaasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.

Ilaasortat

§ 3. Ilaasortanngortinneqarsinnaapput kikkugaluartulluunniit SIK-p malittarisassaani § 3-mi piunarsaatnik naammassinnittut. SIP Ilulissanut akiliut qaammammut 130kr. Aammalu Kattuffiup akiliut SIK-p sukkulluunniit akiliutissatut aaliangiussaa malinneqassaaq.

Ataatsimeersuarneq

§ 4. Ataatsimeersuarneq tassaavoq peqatigiiffimmi oqartussaasoq qullerpaq.

Imm. 2. Ataatsimeersuarnerup aallartinnginnerani peqatigiiffimmut ilaasortaaneq uppersarneqartassaaq, ilaasortallu ikinnerpaamik 20-t peqataappata ataatsimeersuarneq ingerlanneqassaaq.

Imm. 3. Ileqquusumik ataatsimeersuarneq ukiut sisamakkaarlugit ingerlanneqartassaaq marsip qaammataa naatinnagu kingusinnerpaamillu ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassalluni.

Imm. 4. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsissuteqarluni imaluunniit allakkatigut taasisoqarsinnaangilaq.

Imm. 5 Kinaluunniit SIP Ilulissani ilaasortaq siulersuisunut ilaasortassatut qinigassanngortissinnaavoq ataatsimeersuarnissaq sioqqullugu qaammatini kingullerni pingasuni SIP-mut akiliuteqarnera ingerlanneqarsimappat.

Imm. 6 Ataatsimeersuarnermi nunaqarfiit SIP Ilulissanut atasut sinniisui peqataatinnissaanut angalanermi aningaasartuutit matussuserneqartassapput.

§ 5. Ileqquusumik ataatsimeersuarnermi ullormut oqaluuserisassat ikinnerpaamik makkuningga imaqsapput:

Siulittaasumik ataatsimeersuarneq ammarneqassooq.

1. Ataatsimeersuarnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutini kukkunersiuukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Siulersuisunut qinersineq
 - a) Siulittaasoq
 - b) Siulittaasup tullia
 - c) Allatsi
 - d) Siulersuisunut ilaasortat marluk
 - e) Sinniisussat sisamat
8. Taasariaqartut allat

§ 6. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 7-nik sioqqullugu. Ilaasortat § 4 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutini taamaattunik saqqummiussinnaapput.

Imm. 2. Siulersuisut pisinnaatitaapput siunnersuutigineqartut nalilersussallugit, siunnersuutit ataasiakkaat nalilersorneqareerpata siunnersuutigineqartoq oqaluuserisassanut ilanngunneqassanersoq allakkatigulluunniit akineqassanersoq siulersuisuni aaliangerneqarsinnaalluni.

Imm. 3. Ataatsimeersuarnissarlu ullunik pingasunik sioqqullugu oqaluuserisassatut siunnersuutit allaffimmut aaneqarsinnaapput.

§ 7. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allasimasoqanngippat. Taasinerit naligiippata siunnersuut peerneqassaaq;

taamaattorli inummik qinersineq ingerlanneqarpat qinersisoqaqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit - kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

§ 8. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 9. Immikkut ittumik ataatsimeersuortoqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiormikkut tamanna piumasarippassuk. Piumasarineqartoq ullormut oqaluu-serisassatut siunnersuummik ilaqartinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulluuttup tungaanut atuutissaaq.

Ilaasortat ataatsimiinnerat

§10. Ukiuni ataatsimeersuarfiunngitsuni ilaasortanik ataatsimiisitsisoqartassaaq, ataatsimiinneq Marts qaammat naatinngu pisassaaq, sivikinnerpaamillu ullut 14-nik sioqqullugu ataatsimiigiaqqusisoqartassaaq avammut nalunaaruteqarnikkut najukkami allagarsiivikkut socialmediakkullu taamaattoqarpat.

Imm. 2. Ilaasortat ilaasortatut akiliummik akiligassiissutaasimasumik akiliisimasut tamarmik ataatsimiinnermi peqataasinnaallutillu oqaaseqarsinnaatitaapput.

Siulersuisut

§ 11. Siulersuisut peqatigiiffiup ulluinnarni aqunneqarneranut akisussaasuupput, pisussaallutillu Peqatigiiffik (SIP) SIK-p malittarisassai Peqatigiiffiullu (SIP) nammineq malittarisassai naapertorlugit aqussallugu, soorlu siunertat suliassallu § 2-mi taaneqartut sulissutigineqarnerat qulakkiissallugu. Taamattaq siulersuisut malissavaat SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu peqatigiiffiup ataatsimeersuarnerani aalajangiinerit.

§ 12. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqartussaq, kiisalu siulersuisut ataatsimiit-tarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat ikinnerpaamik affaat peqataagaa-ngata. Taasinerit naligiippata siulittaasup taasiner aalajangiisuusaaq. Siulittaasup peqannginnerani siulittaasup tullia taasiner aalajangiisuusaaq.

Imm. 3. Siulittaasooq peqatigiiffiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm. 4. Peqatigiiffiup ulluinnarni allaffissornikkut ingerlanneqarnera pillugu siulersuisut pisariaqartunik aalajangiisassapput, tamatumani aamma allaffimmi sulisunik atorfinitsinerit soraarsitsinerillu pillugit aalajangiinernik.

Imm. 5. Allaffimmi atorfeqartut niuernermi allaffimmilu isumaqatigiissutit atorlugit akissarsiaqartinneqassapput, allaffimmi ikiortaalluni sulinermi pisortat SIK-llu akunnermusialittut isumaqatigiissutaa atorlugit akissaasersuineq pisinnaatitaaffillu atorneqassapput, taartaalluni sulinermi suliffimmi isumaqatigiissutaa annaasaqaateqarfiginagit qinikkatut pisinnaatitaaffik malillugu taartaanermi atorneqassapput.

Imm. 6. Siulittaasutut aningaasarsiaqarneq SIK-p pisortallu, niuernermi allaffinnilu sulisut pillugit isumaqatigiissutaaq immikkoortortaarfanni pisortat pisinnaatitaaffiilu malillugit akissarsiaqartinneqassalluni. Siulittaasooq ataatsimeersuarnermi qinigassanngortilluni qinigaanngitsoorpat isumaqatigiissutit naapertorlugit tunuassaaq, siulittaasunngortumut SIP-p ingerlaneraniq nassuiaateqarfittut ingerlanneqartassalluni.

§ 13. Siulersuisut ataatsimiinnerannit imaqarniliaq SIK-p allattoqarfianut nassiuunneqassaaq ataatsimiinnerup kingorna akueralugu atsiorneqareeratigut.

§ 14. Siulersuisunut ilaasortaq Naalackersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunit tunuarniuteqarsinnaavoq.

Imm. 3. Siulersuisunut ilaasortaq peqatigiiffiup aningaasaataanik atornerluisimasooq siulersuisunut ilaasortaajunnaarsinneqarsinnaavoq suliarlu naammassitinnagu qinigassanngortittoqaqqissinnaanani. Aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersuisuanit uppersarsarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit peqatigiiffimmut ajoqutaasumik atorneqarsinnaasunik siulersuisunit akuerineqarnani ingerlatitseqqiisimappat.

Imm. 4. Imm. 1-3-mi taaneqartutut pisoqarnerani siulittaasooq siulersuisunut ilaasortaajunnaarpat siulittaasup tullia siulittaasunngussaaq ileqquusumik ataatsimeersuarnissami tulliuuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput, taamatullu sinniisussaaq siulersuisunut isertillugu.

Imm. 5. Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuarisooqassaaq piaarnerpaamik siulittaasussamik nutaamik qinersinissaq siunertaralugu.

Aningaasaqarneq, naatsorsuutit aamma kukkumersiuineq

§ 15. Peqatigiiffiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut peqatigiiffiup naatsorsuutai akuersissutigissavaat, taakkulu tamatuma kingorna ilisimatitsissutitut ataatsimeersuarnermi imaluunniit ilaasortat ataatsimiinneranni saqqummiunneqassapput. Naatsorsuutit kukkumersiuusumit SIK-p ataatsimeersuarnerani qinerneqarsimasumit kukkumersiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontuinut netbankikkut isersinnaanermut akuersissummik peqartussaalluni. SIK-p allattoqarfiata qaammatit tamaasa naatsorsuutitut allattukkat anillatsillugit peqatigiiffimmut nassiuttassavai.

Atsiornissamut maleruaqqusat aningaasanut akisussaassuseqarneq

§ 16. Peqatigiiffik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularna-veeqqusiussinermi peqatigiiffik sinnerlugu siulersuisunut ilaasortat tamarmik atsioqataassapput.

Imm. 2. Peqatigiiffimmut ilaasortat Peqatigiiffiup pisussaaffigilersimasaanut inuttut ataasiakkaatut pisus-saaffilerneqarsinnaanngillat.

Ataqqinaammik ilaasortaqarneq

§ 17. Ataqqinaammik ilaasortanngortinneqartussamik Peqatigiiffimmut ilaasortat kikkulluunniit siunnersuuteqarsinnaapput isumaqarunik Peqatigiiffiup ingerlanneqarnerani pitsaasumik malunnaatilimmik suliniuteqarluarsimasunut naleqqussaasoqareerneratigut.

Imm. 2. Ataqqinaammik ilaasortanngortitsineq siulersuisuniit ingerlanneqartassaaq, ataqqinaammillu ilaasortanngortinneqartoq suliffeqarpat akiliuteqarnera unitsinneqassaaq, tunissuteqarfigineqartassallutillu juullilernerani aammalu nalliunneranni.

Ilaasortanik toqukkut qimaguttoqartillugu

§ 18. Ilaasortanik toqukkut qimaguttoqartillugu qanigisat nalunaaruteqarnermikkut sanningasup peqatigiiffimmiik akilerneqarnissaa qinnutigisinnaavaat qimaguttoq sulii ilaasortatut allattorsimaffimmiippat.

Malittarisassanik allanngortitsineq

§ 19. Malittarisassat taamaallaat ataatsimeersuarnermi 2/3-mik amerlanerussuteqartunit allanngortinneqarsinnaapput, tassani allanngortitsinissamut siunnersuut ullormut oqaluuserisassani allassimassalluni. Malittarisassat taakku minnerpaamik imaqqassapput aalajangersakkanik SIP-t malittarisassaanni nalinginnaasuni SIK-p ataatsimeersuarnerani akuersissutigineqarsimasuni allassimasunik imaqartuni.

Imm. 2. Malittarisassanik allanngortitsinerit ataatsimeersuarnermi akuersissutigineqarnerminnit atuutis-sapput.

Peqatigiiffimmik atorunnaarsitsineq

§ 20. Peqatigiiffimmik atorunnaarsitsineq taamaallaat immikkut ataatsimeersuarnermi pisinnaavoq, tassani atorunnaarsitsinissaq ullormut oqaluuserissani allassimassalluni, ataatsimeersuarnermilu peqataasut 2/3-isa siunnersuut akuerippassuk.

Imm. 2. Atorunnaarsitsinermi peqatigiiffik akiitsoqarpat taakku akiligassaqarfinnut akilerneqassapput. Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqarfianut tunniunneqassapput.